


阿育王經
同

古籍

牙二
牙三

四百卅四
寫六

51041



元祿九年丙子二月日重脩

皇圖瑛 帝階

佛日增輝 懋谷輪常轉

山城州天安寺法金剛院置

二卷合一冊六

寫

阿育王經卷第二

阿育王經卷第三

阿育王經卷第二

梁扶南三藏僧伽婆羅譯

見優波笈多因緣品第二

爾時阿育王起八萬四千舍利塔已生大歡

喜與諸大臣共往雞寺到已於上座前合掌

禮拜而作是言佛一切見者記我以沙施佛

今得是報更復有人佛所記不被時上座比

丘名耶舍翻名答阿育王言亦有世尊未涅槃

時有龍王名阿波羅囉翻無復有陶師及栴陀

羅翻龍王佛化是等竟至摩偷羅國於摩偷

羅國告長老阿難言此摩偷羅國如來涅槃
百年之後當有賣香商主名曰笈多其後生
見名優波笈多最勝教化爲無相佛我涅槃後
當作佛事復告阿難汝今見彼遠青林不阿
難荅言已見佛言彼有山名優樓漫陀如來
涅槃百年之後當於彼山起寺名那哆婆哆
最勝坐禪處於時世尊而說偈言

教化弟子中

智慧最第一

世尊之所記

名優婆笈多

大德於此世

當廣作佛事

爾時阿育王復問上座耶舍優波笈多爲生
已未大德耶舍荅言已生在優樓漫陀山除
一切煩惱諸阿羅漢悉隨從之攝受世間故

如一切智於天人阿修羅及諸龍神等而為
說法是時長老優波笈多為一万八千阿羅
漢之所圍遶在那哆婆哆寺時阿育王為諸
大臣而說偈言

汝當速莊嚴

象馬車步兵

我欲往彼國

優樓漫陁山

為欲見大德

名優波笈多

勤精進盡漏

乃至阿羅漢

時諸大臣白阿育王言王應遣使報彼諸人
令優波笈多來至王間王答諸臣阿羅漢者
不可輕屈我等今應自往禮拜而說偈言

處世同如來

名優波笈多

若不受其教

其心金剛造

乃至阿育王遣使往優波笈多所白優波笈
多言我欲至大德處優波笈多聞使語已即
便思惟若乃阿育王來必多人隨從當損此
國思惟已即語使言我當至彼不須王來王
即造船迎優波笈多處處道路無不修治至
摩偷羅國是時優波笈多將一万八千阿羅
漢為攝受阿育王故一切入舟乃至往波吒
利弗多國時阿育王民白大王言優波笈多
為攝受王故已至此國大王當知佛法如施
王今修善由之得正渡三有海至無為岸優
波笈多至明清旦當步至王所王聞歡喜即
解瓔珞價直千萬以賞此人復令此人擊鼓

宣令使波吒利弗多國一切聞知優波笈多
明當入國復令此人說此偈言

若人樂富樂 及天解脫因 一切應當見

彼優波笈多 若人不見佛 兩足中寂尊

自然大慈悲 無漏大師等 彼見當供養

名優波笈多

乃至阿育王令一切人民聞此偈言又復令
其嚴治道路時王出城至半由旬共諸臣民
賈持香花種種伎樂迎優波笈多時阿育王
遙見優波笈多已在岸上與一万八千阿羅
漢如半月形而自圍遶即便下象步至優波
笈多處時阿育王一足在船一足在岸以兩

手捧優波笈，多以置舡中，五體投地敬禮。其足猶如大樹摧折墮地，又復以舌舐其兩足，長跪合掌瞻仰，無猷而說偈言。

大地海為衣，山莊巖一繖。除怨得此地，

令我生歡喜，不如於今日。與大德相見，

我今見大德，倍生於心念。是故我生喜，

謂已見世尊，佛已入涅槃。大德作佛事，

世間為無明，汝如日月光。以智慧莊嚴，

猶如大師等，第一教化人。衆生所歸依，

應當見教化，我當如說行。

亦時大德優波笈，多以右手摩阿育王頂而

說偈言。

王今得自在

當修不放逸

三寶值遇難

王應常供養

世尊付法藏

於王及我等

當守護佛法

為攝受衆生

阿育王答言如世尊記我今已作而說偈言

我今已供養

世尊舍利像

處處廣起塔

以珍寶莊嚴

唯不能出家

修行於梵行

優波笈多言大王善哉善哉如此之事是王

應作何以故

王於身命財

應當修真實

王若於異世

不受異世苦

時阿育王以大供養將優波笈多入城手捧

大德以置高座優波笈多其身軟滑如兜羅

綿阿育王既觸其身合掌而言

大德身軟滑 如綿迦尸等 今我體鹿滋

而觸大德身

時優波笈多復說偈言

我以勝供養 供養佛世尊 不及王以沙

奉施於如來

寫 阿育王經 卷六

時阿育王復以偈答

我先小兒意 以沙奉世尊 值遇功德田

是故今為王

時優波笈多為令阿育王生歡喜故而說偈言

王值功德田 而生布施種 是故得此報

不可思議樂

王聞是已心大歡喜復說偈言

昔以沙布施 世尊大福田 今得無比樂

四分轉輪王 誰聞如此事 不供養如來

是時阿育王禮優波笈多足白言大德我欲

於佛行住坐卧處悉皆供養又欲作相令未

來衆生知佛如來行住坐卧所在之處為攝

受故即說偈言

我欲於如來 行住坐卧處 悉皆修供養

為離生死苦 又欲作如來 行住坐卧相

使未來衆生 起見佛因緣

優波笈多答言大王善哉善哉王今此心寂

為難及今欲現王如來世尊四威儀處令王

作相爲欲攝受諸衆生故是時阿育王即嚴
四兵香花伎樂與優波笈多即往彼處時優
波笈多將阿育王至佛生處入嵐毗尼林翻
處舉右手拍言阿育王此是佛生處而說偈言
世尊第一處 生便行七步 淨眼觀四方
而作師子吼 是我最後生 處胎住亦然
時阿育王五體投地頂禮如來初生之處合
掌說偈

有人見佛者 彼具大功德 若聞師子吼
功德亦如是

優波笈多爲阿育王生大信心而問王言有
天見佛初生行七步及聞師子吼王欲見耶

王荅言。大德。我今欲見優波笈多言。如來初
生摩耶夫人所攀樹枝。天在其中。即便以手
指示其處。而說偈言。

若有諸天人

住在此林中

得見世尊生

復聞師子吼

當現其自身

為阿育生信

是時天人便現其身於優波笈多前立合掌

說言

大德令我

欲何所作

時優波笈多語阿育王。此天見佛生時。阿育
王合掌向天而說偈言。

汝見佛初生

百福莊嚴身

佛面如蓮花

世間所愛樂

復聞師子吼

依此大林中

是時天人復以偈答

我已見佛身 光明如金色 七步行虛空

二足中最勝 亦聞師子吼 為天人中尊

時王問言如來生時有何瑞相天人答言我

今不能廣說妙事略說少分即說偈言

放金色光明 照於盲世間 人天所愛樂

及山海地動

乃至阿育王以十萬兩金供養如來初生之

處即便起塔復往餘處時優波笈多將阿育

王入迦比羅婆修斗仙人住處 翻蒼色舉手示王此處人

以菩薩與白飯王三十二相可愛之色莊嚴

其身王見已立五體投地向彼作禮釋迦生人跋陀

那當^{翻正}是天神處菩薩至彼欲禮天神是時天

神不受其禮而禮菩薩時白節王見是事已
即便說言我今此兒為天之天即為立名謂
之天天又言此是相師婆羅門相菩薩處又
言此是仙人記菩薩處云此兒生已當應作
佛又言此是摩訶波闍波提養菩薩處又言

此是菩薩學書畫之處又言此是菩薩乘象車
馬等種種伎術之處又言此是菩薩究竟諸
道滿足之處又言此是菩薩轉法輪處又言
此是共六萬采女娛樂之處又言此是菩薩
見老病死生悲心處又言此是菩薩閻浮樹
下修諸禪定離欲惡法有覺有觀離生喜樂入

初禪處菩薩坐禪日已過中蔭菩薩樹其影
不移其餘諸樹影隨日轉時白飯王見如此
事五體投地禮菩薩足又此間有一万天人
隨侍菩薩從迦毗羅城中夜而出又言此是菩
薩脫寶冠并遣馬與車匿還處而說偈言

捨寶冠瓔珞

并馬與車匿

今其還本國

一身無侍衛

為修精進行

便入山學道

菩薩於此處以迦尸衣易獵師袈裟而便出

家此是婆羅伽婆

翻姓

請菩薩處此處頻毗娑

羅

翻摸

王與菩薩半國是處問鬱頭藍弗復說

偈言

此處有仙人

名鬱頭藍弗

聞其法捨去

人王無餘師

此處六年苦行復說偈言

六年中苦行

難行我已行

知苦行非道

捨仙人所行

此處是菩薩受難陀難陀波羅二女奉十六

轉乳糜受已食之復說偈言

菩薩在此處

食難陀乳糜

大勇寂勝語

往菩提樹間

此處迦梨龍王讚歎菩薩如偈所說

龍王名迦梨

讚歎而說言

以此道當往

於菩提樹間

是時阿育王禮優波笈多是合掌說言我欲

見龍王其先見如來行如象王從此路往
菩提樹時優波笈多往迦梨住處以手指而
說偈言

龍王中最勝

汝當起現身

汝見菩薩行

往詣菩提樹

是時迦梨龍王即現其身於優波笈多前合

掌說言大德教我欲何所作優波笈多語阿

育王言此迦梨龍王菩薩從此路往菩提樹

時是其讚歎時阿育王合掌向迦梨龍王而

說偈言

汝見佛世尊

光明如金色

於世間無等

面如秋滿月

十力大功德

汝當說一分

云何從此行。佛神力具足。

迦梨龍王荅言。我今不能廣說。當略說之。王當諦聽而說。偈言。

菩薩履地時。六種大震動。及大海諸山。

放光過日月。

乃至阿育王於龍王處起塔。已便去時。優波。

笈多將阿育王往菩提樹。舉手指言。大王。此。

處菩薩以慈悲爲伴。勝魔王軍。學得阿耨多。

羅三藐三菩提。而說偈言。

滿足王於此。勝種種魔軍。得無比醍醐。

無上正遍知。

時阿育王以十萬金供養菩提樹及起塔。已。

便去優波笈多復白王言此是佛受四天王
四鉢合為一鉢處又此處受二商主提謂波
利所奉之食佛從此處往波羅奈國時有外
道名優波祇歎如來處優波笈多復將阿育
王往仙面處舉手指言此是世尊三轉十二
行法輪處即說偈言

是此處三轉十二行法輪

真實法所造

為度生死苦

此是一千外道出家之處又此是佛為頻婆
娑羅王說法得見諦處及八萬諸天摩伽陀
國婆羅門長者無數人等說法得見諦處此
是佛為帝釋天王說法及八萬諸天得見諦

處此是世尊爲母說法夏安居竟與無數諸
天從彼來處乃至廣說優波笈多將阿育王
至拘尸那城佛涅槃處舉手示言大王此是
如來所作已辦入無餘涅槃處而說偈言

天人阿修羅

夜叉龍神等

及一切世間

教化彼已竟

大慈悲精進

是故入涅槃

時阿育王聞是語已悶絕躡地乃至以冷水
灑面尋得醒寤從地而起以十萬金供養如
來涅槃之處及起塔已禮優波笈多足而說
言我是世尊所記大弟子我欲供養舍利優
波笈多答言善哉善哉王心極善是時優波
笈多將阿育王入祇洹林舉右手指言大王

此是舍利弗塔自當供養阿育王問優波笈
多言舍利弗功德智慧其事云何答言是第
二佛為法之將能隨如來而轉法輪佛弟子
中智慧第一一切世間所有智慧十六分中
不及其一唯除如來而說偈言

無等正法輪

佛為世間轉

舍利弗隨轉

以利益世間

誰能說其人

功德智慧海

時阿育王心大歡喜以十萬金供養舍利弗
塔合掌說偈言

我禮舍利弗

以恭敬心念

大慧離煩惱

為世間光明

優波笈多復示阿育王目捷連塔說言大王

此是目捷連塔王當供養王問言其人功德
神力之何長老答言佛說其神力弟子之中
取為第一能以足指動天帝釋取勝法堂亦
能降伏難陀優波難陀龍王即說偈言

目捷連神力

佛說為第一

能以足指動

帝釋最勝殿

降伏二龍王

難陀波難陀

神力功德海

無有能稱量

時阿育王以十萬金供養目捷連塔合掌說
偈

最勝之神力

離生死苦惱

我今已頂禮

名聞目捷連

優波笈多復指示言此是摩訶迦葉塔應當

供養阿育王問言其人功德云何長老答言
於少欲知足乃至八種及頭陀苦行佛說其
人最為第一佛以半座與其今坐又以自身
袈裟覆之攝受苦人受持法藏復說偈言

最勝大福田

行少欲知足

受持佛法藏

能攝苦衆生

佛與其半座

及以衣覆身

無有人能說

其大功德海

時阿育王復以十萬金供養大迦葉塔合掌
說偈

常在山石窟

具少欲知足

除諸煩惱怨

獲得解脫果

無比功德力

是故今頂禮

時優波笈多復示阿育王薄拘羅塔說言大

王此是薄拘羅塔應當供養阿育王問言其
人功德云何答言佛弟子中精進無病最為
第一不嘗為人說一二句法時王令人以二
十貝子供養其塔時有大臣問阿育王等是
羅漢何故餘塔皆以十萬金供養而薄拘羅
塔獨與二十貝子以為供養阿育王言汝當

聽說

以智慧為燈

除於無明闇

任意為舍宅

少利益世間

是故以貝子

供養於其塔

是時二十貝子從塔處來着阿育王足時大

臣見深生驚恠而說言此阿羅漢少欲之力

乃至已入涅槃而不受施時優波笈多復將

阿育王三經卷六

十

身

阿育王至阿難塔說言大王此阿難塔應當
供養其是如來給事弟子能持佛語佛說其
人弟子之中多聞第一而說偈言

是長老阿難 諸天人所貴 常護持佛鉢

具足念慧心 多聞爲大海 口說微妙語

方便正覺意 明了一切法 爲諸功德藏

世尊所讚歎

時阿育王以十萬金供養阿難塔大臣問言

何故於此最勝供養阿育王答言當聽我說

佛世尊法身 清淨無與等 其能攝受授

故我上供養 其燃佛法炬 除諸煩惱闇

其力故法住 故我上供養 如以牛跡水

不及於大海 阿難智慧水 不及佛智海
於修多羅中 佛與登王位 故我於今日
設最上供養

時阿育王供養已竟生大歡喜禮優波笈多
足而說偈言

我今生人中 不失善業果 以先功德力

得作自在王 以不真實法 獲得於真實

世尊舍利塔 莊嚴於世間 云何修苦行

於我所未作

時呵育王禮優波笈多足還其本國

阿育王經卷第二

阿育王經卷第三

梁扶南三藏僧伽婆羅譯

供養菩提樹因緣品第三

尔時阿育王於佛生處得道轉法輪入般涅
槃於一一處各以十萬金供養於菩提樹倍
生信樂作是思惟此是世尊得阿耨多羅三
藐三菩提處日日之中最勝珍寶供養此樹
是時阿育王第一夫人名微沙落起多翻光護生
瞋恚心大王既愛念我云何以好珍寶與菩
提樹即喚旃陀利女翻下姓而語言菩提樹是我
怨汝能殺不答言能汝當與我金夫人語言
如是時旃陀利女即便呪樹以縊縛之是菩

提樹漸漸枯死有人白王是菩提樹漸漸枯
死而說偈言

佛坐菩提樹

知一切世間

得一切種智

此樹今日死

時王聞是語已悶絕躡地諸臣以水灑王良
久乃醒即便啼泣而說偈言

我見此樹王

即是見如來

樹王若枯死

我命亦隨滅

時彼夫人見王憂惱便白王言若我不能令
菩提樹生者我亦不能令王歡喜王答言汝
若能令菩提樹生者汝非女人何以故佛住
此處得阿耨多羅三藐三菩提是時夫人喫

旃陀利女而語言汝能令樹更生如其先不
答言若菩提樹其根不死能令更生乃至旃
陀利女除所縛縊周帀掘坑日日以千甕乳
灌之坑中少日之間樹漸還生遂得如本時
人白王王於今者大生功德菩提之樹今得
生故王聞此言心大歡喜即便往至菩提樹

間瞻菩提樹目不能捨而說偈言

從於瓶沙王 及諸餘國王 無上二因緣

悉所不能作 當於菩提樹 灌以香色乳

復當修供養 聖衆五部僧

時阿育王以千金銀琉璃甕盛以香水復持
種種飲食及香花等千甕香水浴菩提樹以

種種綵衣而以衣之王於是時復受八戒受
八戒竟手執香爐而登殿上請四方僧說言
世尊弟子在四方者為攝受我故悉應來此
而說偈言

正行善逝子

根寂靜離欲

應供大福田

天人所歸依

寂勝善逝子

行禪離愛着

阿修羅所依

當來攝受我

於剎賓國家

大林及暗林

有諸阿羅漢

當來攝受我

如來子樂禪

任阿耨達池

及江山石窟

當來作慈悲

善言如來子

任舍利沙殿

無憂慈悲心

當來攝受我

大勇之神力

住於香醉山

我請阿羅漢

當悉來此處

時阿育王說此言已有三十萬比丘和合阿
羅漢十萬學人二十萬及精進凡夫無數於
衆僧中上座一處無有人坐時阿育王白六
通上座耶舍言第一坐處何故無人答言此
是第一上座之處王又白言除大德外更有
上座耶答言有佛說弟子中有能師子吼此
爲第一姓頗羅墮名賓頭盧第一坐處是其
所坐時阿育王聞其此言身毛爲豎如柯曇
婆花又說言大德有比丘見佛未入涅槃今
猶在者不長老答言有姓頗羅墮名賓頭盧其人見
佛王又問言我於今者得見其人不長老答言王尋
當見其今應來時王聞已大生歡喜而說偈言

我今得大利及無比攝受以得見大德名曰賓頭盧
時阿育王合掌仰看空中目不暫捨時賓頭盧與無
數阿羅漢隨從圍遶如半月形猶若鴈王從空中下
於第一處坐是時阿育王見頗羅墮負頭盧來及見
十萬比丘皆從座起又見賓頭盧頭鬚皓白額皮眉
毛悉垂覆面如緣覺身見已五體投地禮賓頭盧足
如大樹倒舌舐其足長跪合掌瞻仰啼泣而說偈言
大地海為衣山莊嚴一繖除怨得此地今我生歡喜
不如於今日與大德相見我今見大德倍生於心念
復次大德見世尊不是時賓頭盧以兩手舉其
眉毛視阿育王便說偈言

我數見如來

無等無譬言類

有三十二相

面如秋滿月

梵音除煩惱

入無諍三昧

阿育王復問大德於何處云何見長老荅言大王世尊與五百漏盡阿羅漢隨從最初於王舍城安居是時在此衆中得具足見佛便說偈言
無欲無欲從 摩訶牟尼尊
是時此安居
我具足見佛 如汝今見我
如是我見佛

復次大王世尊又於舍衛國爲勝外道故現種種神力作無數化佛相好莊嚴次第而上至阿迦膩吒天我於尔時亦在其中見佛種種神變而說偈言

時有諸外道 示現除伏之

行種種邪道

世尊以神力

是時我見佛

令世間歡喜

復次大王卅尊於三十三天上安居為母說

法竟與諸天眾圍遶下僧柯奢翻光明國我於

尔時在大眾中見諸天眾復見比丘尼名鬱

波羅翻青槃尼柯翻見其化作轉輪聖王具

足七寶而說偈言

天上安居竟 佛便從彼下 我時在眾中

是故得見佛

復次大王修摩陁伽翻不解孤獨女兒請佛及

五百阿羅漢佛以神力至分陁跋陁國翻不解

我以神力舉山從虛空中亦至彼國是時如來

戒勅於我汝不得入涅槃至我法住而說偈言

修摩伽陁請 佛神力至彼 我以力舉山

隨至分阬國

是時佛戒勅

令我至法住

以是因緣故

得具足見佛

復次大王汝先小時以小兒意佛入王舍城

乞食我奉佛麩汝奉佛沙成護尔時起隨喜

心如佛所記此小兒於我涅槃百年後當生

波吒利弗多城名阿輸柯爲四分轉輪主領

法王當廣供養舍利起八万四千法王塔我

於是時亦在其中而說偈言

王昔爲小兒

合掌以沙施

我亦於是時

具足見此事

阿育王復問賓頭盧大德何處住以偈答言

北方阿耨池

於香醉山中

我住於彼處

及諸同學衆

阿育王復問賓頭盧大德幾人隨從以得荅言
六万阿羅漢 圍遶隨於我 我及諸大衆
悉盡煩惱毒

復次大王何事此疑當速施僧食衆僧食竟
當更共語王荅言尔如大德教以念佛教我
當觀菩提樹觀菩提樹竟當與僧食以種
種飲食當以供養時阿育王語比丘名一切
友我當施僧十万金及一千金銀瑠璃鬘於
大衆中當說我名供養五部僧時阿育王見
名鳩那羅鳥名不住王右邊是時王子畏其
父故不敢發言便舉二指示唱導比丘表其

修福倍多其父時大衆見鳩那羅一倍作福
悉皆大笑時王見大衆笑語大臣成護汝所
作非是故人笑成護答言多人欲作功德若
作功德必以一倍是為政當阿育王答言我
當以三十萬金供養衆僧以三千寶鬘盛以
香水灌菩提樹當以我名在大衆說供養五
衆乃至鳩那羅復舉四指以示比丘時王大瞋
語成護大臣我修功德誰今與我而欲諍作不
識世法成護見大王瞋禮大王足誰敢與王
諍作功德而說偈言
誰敢與王 諍修功德 是拘摩羅 與王諍作
是時阿育王轉身右邊見拘摩羅王子向賓

頭盧說言大德我今唯除七寶庫藏一切大地宮人大臣并以我身及鳩那羅悉施衆僧當以我名在大衆說供養五衆復說偈言

一切宮內

唯除珍寶

宮人大臣

悉施衆僧

大衆之僧

為福田處

我及王子

具足功德

是時阿育王於賓頭盧等大衆中布施竟於菩提樹周帀起墻時阿育王自登墻上以四千甕盛以香水灌菩提樹其菩提樹還生如本而說偈言

已灌菩提樹

菩提樹還生

枝葉極茂盛

功德亦增長

大王灌菩提樹竟還生如本枝葉青軟新芽

更出王及大臣一切人民心大歡喜復以飲食供養衆僧於大衆中有一大德名耶舍語王言今此大衆實可愛重王今供養勿起異心時阿育王自手行食從上座爲始盡於一衆於衆僧末有二沙彌以麩相坌歡喜丸等共戲相擲阿育王見笑而思惟此二沙彌爲小兒戲乃至阿育王復往上座所次第行食至耶舍所時大德耶舍復語王言大王於衆僧中不得起不信心王荅言尔復白上座耶舍言有二沙彌以麩等相戲耶舍荅言此二沙彌具心解脫及慧解脫皆阿羅漢王聞是已心大歡喜復生心言我已供養衆僧復覓

好衣施二沙彌時二沙彌即知王意便現功
德之力一沙彌化作鐵器以置其前一沙彌
化作捷陁水等王見問曰用此何為答言大
王我見王心供養僧竟別施我衣我欲染之
時王聞已即便生意我本在心未發言說去
何此人已知我心即以五體投地敬禮其足

同二沙彌而說偈言

我孔雀大王及大臣人民

功德我已作

一切得大利精進處生信

可施我已施

乃至阿育王語二沙彌我以汝故於一切僧
悉施三衣時阿育王於五衆中已作功德復
於一人悉施三衣又以四十萬金布施衆

僧復以無數金銀贖此大地宮人大且并以
我身及拘那羅

毗多輸柯因緣

是時阿育王於佛法生大信心起八万四千
塔已作五衆大會以飲食供養有三十万阿
羅漢學人一倍精進凡夫無數阿育王倍生
信心時阿育王弟毗多輸柯信外道法言釋
迦牟尼弟子無有解脫何以故常樂樂行畏
苦行故乃至阿育王語其弟言汝於非處莫
起信心於佛法處當生信心時阿育王於異
時中歎爲捕獵阿育王弟於彼山中見一仙
人五熱炙身其於苦道而起實意往其所禮

其足說言大德住此幾時仙人荅言經十二
年復更問言汝食何食荅言常食樹木菓根
復問汝衣何衣荅言結茅為衣復問卧處云
何荅言以草鋪地又問汝因何事而起煩惱
荅言見鹿行歆起我歆心以欲心火燒於我
心時阿育王弟心便生疑如此苦行尚起歆
心佛之弟子常修樂行云何見歆而不起心
既起歆心何得於歆而起狀離即說偈言
仙人住苦林 食樹花菓根 服氣除穢食
不能滅欲愛 釋迦牟尼子 食酥酪乳味
於種種衣服 悉皆不能捨 若伏諸根者
頻陀山能淨

阿育王弟復更說言釋迦弟子誑阿育王令
作功德時阿育王聞其此言即設方便語大
臣言我弟於外道生信當以方便令其得入
佛法時大臣荅阿育王言大王云何教我
所作王語大臣我今欲洗入彼浴室應脫天冠
及衣服等汝當以我服飾莊嚴我弟令登王
座臣荅言尔及至阿育王將入浴室脫莊嚴
具入浴室已是時大臣語阿育王弟若無阿
育汝當作王是故今者試着天冠被天衣服
及登王座大臣語已即便與着令登王座時
大臣即白阿育王言王所勅使臣已作竟阿
育王出觀其弟着天冠及登王座而語言我

今未滅汝已作王阿育王瞋即命行殺之人
身着青衣被髮執鈴至已禮王白言今者欲
何所作王語言我捨此弟汝可煞之王語已
竟便有多人執諸噐仗而圍遶之是時大臣
禮阿育王足而白王言此是三弟影王忍辱
莫起瞋心時阿育王荅大臣言我當忍辱至

於七日為我弟故於七日中暫與其國令其
作王種種伎樂及諸采女以供給之一切臣
民皆往問評行殺之人執刀門立日日白王
今日已過餘六日在如是乃至六日已過
餘一日在至第七日王症嚴具天冠衣服還
阿育王大臣諸人將毗多輸柯共往問訊阿

育大王時王問言汝七日為王種種伎樂好
聞見不弟以偈荅

若人見色及聞音聲食種種味此能荅王

王復語言我與汝國七日為王百種伎樂皆
恣汝意無數衆人日日問訊呪影於汝云何
而言不見不聞不得好味復以偈荅

我於七日中不見不聞聲不嗅不嘗味

亦不覺諸觸我身莊嚴具及諸采女等

思惟懼死故不知如此事伎女歌舞聲

宮殿及卧具大地諸珍寶初無懽喜心

以見行殺者執刀在門立又聞搖鈴聲

令我懷死畏死槩釘我心不知妙五欲

既着畏死病。不得安隱眠。思惟死將至。不覺夜已過。

是時阿育王語其弟言毗多輸柯汝於一生中思惟死苦雖得上妙五欲而不生愛出家比丘於十二入思惟無量生死無常云何而得起煩惱耶又復思惟地獄之苦及諸畜生更相殘害餓鬼飢渴衆苦所逼思惟人中四方馳來初無安樂思惟天上壞敗之苦如是五道身心之苦無有樂處觀此五陰無常苦空無我不實譬如空村無有居民如是五陰皆空無我以無常火燒諸世間佛諸弟子常作此觀云何而得起煩惱耶復說偈言

汝於一日中

思量生死畏

而無有歡喜

不起貪愛心

佛諸弟子等

日日觀生死

云何生歡喜

而起煩惱心

於飲食衣服

及以卧具等

思惟解脫法

而不起着心

觀身如冤家

三有如火宅

思惟何方便

而得解脫之

深樂解脫法

不貪於五欲

其心如蓮花

處水而不着

時阿育王以善方便佛法教化毗多輸柯時

毗多輸柯合掌向王而說言大王我於今者

歸依如來及以法僧而說偈言

我今歸依佛

佛面如蓮花

天人所歸依

無漏法及僧

時阿育王以兩手抱其弟頸而語言我不捨
汝為歆令汝信佛法故是故為汝現此方便
時毗多輸柯以種種花香及諸伎樂供養佛
塔以種種飲食供養眾僧復往雞寺耶舍上
座六通羅漢所至已對耶舍坐為歆聞法時
耶舍以神通力見其前世已造善業今於此
生是最後身得阿羅漢為其說法讚歎出家
既得聞法便樂出家即起合掌白耶舍言善
說法律我得出家受具足不於佛法中歆修
梵行耶舍荅言善男子汝可還白阿育王聽
出家不時毗多輸柯即還阿育王處至已合
掌白言大王今當聽我出家我於佛法歆修

覓行復說偈言

我心亂不住

猶如為無鈎

王意如鐵鈎

勿制我出家

王為地中王

當聽我出家

佛作世間光

今欲修其行

阿育王聞其言手抱其頸悲泣落淚而語言

此多輸柯多作此意何以故出家之人形服

廉弊飲食假人眠卧樹下汝今制心多欲出

家毗多輸柯答言大王我於今者不為瞋故

而欲出家亦不為貪欲不為貧苦亦不為脫

怨家但見世間種種諸苦生死相隨無有脫

處唯見佛法正路能脫生死終無所畏是故

我今樂欲出家阿育王聞之更增悲泣時毗

多輸柯復說偈言

生死為懸繩 有人則恒動 在上必復墮

和合必分離

時阿育王復語之言汝當先習乞食然後乃

得出家時王後園有一大樹以草布地令住

其下與一瓦鉢令入宮乞食毗多輸柯即便

阿育王經同六十二

寫

持鉢行入宮內種種上食而便得之時阿育

王瞋宮內人汝於今者云何乃與乞者上食

從今已去當以鹿食施之乃至以麥為餅經

宿臭壞乃可施與時毗多輸柯得而食之不

以為惡阿育王見而語之言汝今勿食此食

聽汝出家出家之後恒來見我乃至毗多輸

柯往至雞寺至已思惟我若於此出家人物
亂我不得修道當於遠處而出家也便往毗
提國於彼出家思惟精進得阿羅漢果是時
長老毗多輸柯得阿羅漢已受解脫樂復思
惟言昔與王約出家之後常來見王我於今
者應滿本約乃至次第行至波吒利弗多國
是時長老毗多輸柯早起着衣持鉢入國乞
食次第行至阿育王城語門人言汝入白王
云毗多輸柯今在門外欲見大王時守門人
即入白王今毗多輸柯至欲見大王時阿育
王而語之言汝可將入今至宮中毗多輸柯
即便入宮阿育王見即從座起為其作禮如

大樹倒起而合掌視之無狀悲泣而言

一切諸衆生 當樂於和合 汝今除和合

而味寂靜心 我今知汝心 以慧無狀足

時阿育大臣名曰善護見毗多輸柯着糞掃

衣執持瓦鉢次第乞食鹿好俱受心無分別

見已白阿育王言毗多輸柯少欲知足所作

已辦王當生懽喜心何以故

常行乞食 着糞掃衣 住於樹下 心常在定

心廣無漏 其體無病 正命自活 常生懽喜

時阿育王聞是語已心大歡喜便說偈言

捨於孔雀姓 及摩伽陀國 種種諸珍寶

上妙之五欲 樂於四聖種 除憍慢煩惱

行於大精進

名聞顯我國

最勝十力法

而汝能受持

時阿育王以手捧之置好座上種種飲食自
手與之食竟洗鉢置之一處阿育大王於其
前坐聽其說法是時毗多輸柯為王說法而
說偈言

王今得自在

當修不放逸

三寶甚難值

王應勤供養

時阿育王與五百大臣及國人民以自圍遶
合掌恭敬送毗多輸柯大臣人民而說偈言
大兄阿育王
今恭敬送弟
出家有勝果
於今為現證

是時長老毗多輸柯歆顯其功德身昇虛空
一切人民皆見其去時阿育王與諸大眾合
掌觀之目不暫捨復說偈言

無復親友愛 如鳥飛虛空 我以貪愛瑣

不能自在去 禪定有勝果 於身得自在

隨意之所行 一切無罣礙 為歆愛所盲

不能見此法 汝今以神力 輕我起歆愛

我本有慧慢 今汝為最勝 我等著世法

見聖始知畏 今我等啼泣 由汝今捨我

時長老毗多輸柯往至邊地至已得病以病

重故頭皆發瘡時王聞之即遣給事醫藥療

治後得小瘡醫師給事悉遣令還其體亦資

惟食牛乳為乞食故往多牛處復有一國名

分那婆陀那翻正增長彼國一切信受外道復有一人

受外道法事裸形神畫作如來禮其神足有

一佛弟子見此事白阿育王王時聞已語駛

將來阿育所領於虛空中半由旬上一切夜

叉悉繫屬王地下一由旬一切諸龍悉繫屬

王是時夜叉聞王語已於一念頃即將外道

弟子并畫像來時阿育王見已生大瞋心於

分那婆陀那國一切外道悉皆殺之於一月

中殺十萬八千外道復有一外道弟子受外

道法事裸形神畫作如來禮其神足時阿育

王復聞是事即勅餘人令取此人及其親屬

置一屋中以火焚之時王復勅若有人能得
一左捷首者我當與其金錢一枚是時長老
毗多輸柯入養牛處一日停住毗多輸柯病
來多日頭鬚髮爪悉皆長利衣服弊惡無有
光色時養牛女竊生是念今此左捷來入我
舍便語其夫汝當救此左捷取頭與阿育王
必當得金其夫聞已即便拔刀往毗多輸柯
所欲斬其頭時此長老即自思惟見其業報
無得脫處即便受死而將頭至阿育王所欲
求覓金王即觀之見其頭髮駁奪心中生疑
即問其醫師及給事人時醫師給事人即白
王言此是毗多輸柯頭王聞是已悶絕躡地

以水灑之良父乃起時有大臣白王無漏之
人不滅此苦大王當施衆生無畏乃至阿育
即隨其言宣令一切不得復殺屠捷時諸比
丘生疑問優波笈多毗多輸柯昔造何業今
受此報為人所殺優波笈多荅言長老當聽
過去世時有一獵師多殺群鹿於大林中有
一泉水時此獵師張施羅網以其繩罾置於
水邊日日之中多殺諸鹿是時佛未出世有
一緣覺於水邊食食竟澡洗還樹下坐時彼
羣鹿聞緣覺香不住水邊時獵師至不見鹿
來即尋其迹往辟支佛所見已作是念言坐
是人故令鹿不來即便以刀殺辟支佛長老

當知昔獵師者即是毗多輸柯以其日日多
殺諸鹿是故今者多諸病苦復以昔殺辟支
佛故以此業緣於無數年常在地獄受諸苦
報於五百世在人道中生生之處常為他殺
今是最後果報雖得羅漢猶為他害諸比丘
後問優波笈多此人曰何復生大姓又得阿
羅漢果優波笈多答言先於迦葉佛法出家
樂行布施常教檀越種種飲食供養衆僧有
一佛髮瓜塔以香花幡蓋種種伎樂而供養
之以是業報生於大姓十萬年中常修梵行
復發正影以是業緣得阿羅漢

阿育王經卷第三

寫

陶師瓦上之音桃燒也那哆可下反丁如施下艇尾徒可也

岸字舌舐只下反神嵐毗舍上反即娛樂上愚音乳糜碑下反密

也粥醍醐精三音啼胡躡地益上毗紆縛字上線覓耕於

類也瓶衣之下上去聲亦著也同麩尺飯也反乾咲字笑

拍坩蒲下正作坐楓釘上其月反下星尋卦上音

下擬字裸形上玄瓦反一露也或音使疾也

也音駁奪反上必角繩胃網下俱犬也反駛或音使疾也

